



Rialtas na hÉireann  
Government of Ireland



An Roinn Oideachais  
agus Scileanna  
Department of  
Education and Skills

## **SCÉIM AISÍOCTHA TÁILLÍ MÚINTEOIRÍ 2018**

### ***BA CHÓIR GACH FIOSRÚ A CHUR CHUIG:***

An Riarthóir, Scéim Aisíoctha Táillí Múinteoirí

Institiúid Oideachais Marino

Ascaill Uí Ghríofa, Baile Átha Cliath D09

R232 Teil: (01) 8535102

RÍOMHPHOST : [refundoffeescheme@mie.ie](mailto:refundoffeescheme@mie.ie)

### ***Imlitir 0017/2019***

[GABHANN AN IMLITIR SEO IN IONAD GACH IMLITREACH ROIMHE SEO FAOIN SCÉIM SEO]

### **Ní ghlacfar ach le hiarratais i leith Cúrsaí / Cuid de chúrsaí a críochnaíodh sa tréimhse**

### **1 Meán Fómhair 2017 go dtí 31 Lúnasa 2018**

#### **RÉAMHRÁ**

Is í aidhm na himlitreach seo na forálacha a rialaíonn feidhmiú na *Scéime Aisíoctha Táillí Múinteoirí* a leagan amach i gcomhair údarais bhainistíochta scoileanna, príomhoidí agus múinteoirí.

Is é an cuspóir atá ag an *Scéim Aisíoctha Táillí Múinteoirí* maoiniú a chur ar fáil i dtreo costas rannpháirtíochta i gcúrsaí agus táillí scrúdaithe, tar éis dóibh cúrsaí forbairt ghairmiúil a chríochnú go sásúil. Tá an maoiniú ann do chúrsaí atá bainte go díreach le scoileanna agus chun a leasa agus atá faoi réir deimhniúcháin / dámhachtana ó údarás creidiúnaithe cuí a n-aithníonn an Roinn Oideachais agus Scileanna (ROS) é.

Baineann an *Scéim Aisíoctha Táillí Múinteoirí* le hiarratais ó dhaoine aonair amháin agus níl cead ag scoileanna ná ag fostóirí eile aisíocaíochtaí a éileamh.

Tá an scéim seo faoi réir athbhreithnithe agus d'fhéadfaí athruithe a thabhairt isteach sula n-osclofar an scéim arís i gcomhair iarratas (.i. sula n-iarrfar iarratais ar aisíoc táillí maidir leis an mbliain acadúil dár gcionn).

#### **MÚINTEOIRÍ ATÁ INCHÁILITHE**

Tá bunmhúinteoirí agus iar-bhunmhúinteoirí atá ar seirbhís, atá cláraithe leis an gComhairle Mhúinteoireachta, atá ar phá ón Stát agus atá á bhfostú i scoil a bhfuil aitheantas ón Roinn Oideachais agus Scileanna aici, incháilithe chun iarratas a dhéanamh ar mhaoiniú faoin scéim. Áiríonn sé seo múinteoirí buana lánaimseartha, múinteoirí sealadacha lánaimseartha, múinteoirí páirtaimseartha, múinteoirí ionaid, múinteoirí faoi chonradh ar thréimhse éiginnte, agus múinteoirí faoi chonradh ar théarmaí seasta atá fostaithe ar feadh na scoilbhliana iomláine agus a chuireann seirbhís teagaisc ar fáil i rith gach seachtaine scoile

*Tá liosta na mbunscoileanna agus na n-iar-bhunscoileanna aitheanta ar fáil ar shuíomh na Roinne: Féach le do thoil: <https://www.education.ie/en/Publications/Statistics/Data-on-Individual-Schools/>.*

- Tá múinteoirí lánchláraithe atá ar iasacht laistigh den earnáil oideachais i dteideal iarratas a chur isteach ar an scéim.
- Níl múinteoirí ar shos gairme/saoire gan phá le linn na scoilbhliana 2017/18 incháilithe ar iarratas a chur isteach ar aisíocaíocht táillí ach amháin nuair a fhillfidh siad ar an scoil agus ní féidir an aisíocaíocht a dhéanamh ach amháin i ndáil le táillí a tabhaíodh idir an 1 Meán Fómhair agus an 31 Lúnasa 2018.

#### **CÚRSAÍ NACH BHFUIL INCHÁILITHE FAOIN SCÉIM**

Ní íocfar maoiniú faoin *Scéim Aisíochta Táillí Múinteoirí* i leith cúrsaí a dtagann cáilíocht leo a bhfuil liúntas iníochta ina leith.

- Ní íocfar maoiniú faoin scéim seo le heaspaí sna cáilíochtaí a theastaíonn i gcomhair aitheantas iomlán mar mhúinteoir bunscoile nó iar-bhunscoile.

#### **CÚRSAÍ INCHÁILITHE**

Ba cheart go mbeadh cúrsaí a cháilíonn bainteach go díreach le scoileanna, bainistíocht scoileanna nó múinteoirí, agus a bheith lena leas, agus ba cheart go mbeadh tionchar dearfach acu faoi dheoidh ar theagasc agus ar fhoghlaim.

Ba cheart go mbeadh cúrsaí faoi réir deimhniúcháin / dámhachtana ó údarás creidiúnaithe cuí atá aitheanta ag an Roinn Oideachais agus Scileanna chun críche na scéime seo.

#### **Cúrsaí Dioplóma**

- I dtéarmaí ginearálta, beidh cúrsaí aitheanta dioplóma agus teastais atá creidiúnaithe mar a luaitear thuas incháilithe faoin *Scéim Aisíochta Táillí Múinteoirí*.
- Ní mór cóip den teastas dioplóma féin a gnóthaíodh de thoradh an cúrsa a chur i gcrích go rathúil, a bheith i dteannta gach foirme iarratais.

#### **IARRATAIS CHUIG AN SCÉIM AISÍOCHTA TÁILLÍ MÚINTEOIRÍ**

- Riarann Institiúid Oideachais Marino (MIE) an scéim thar ceann na Roinne Oideachais agus Scileanna.
- Ní mór do mhúinteoirí iarratas a dhéanamh le cead óna bPríomhoidí agus óna mBoird Bhainistíochta agus / nó Boird Oideachais agus Oiliúna ar an bhfoirm iarratais chaighdeánach. Is ceart foirmeacha iarratais comhlánaithe a chur chuig:

**An Riarthóir, Scéim Aisíochta Táillí Múinteoirí**  
**Institiúid Oideachais Marino, Ascaill Uí Ghríofa, Baile Átha Cliath D09 R232**  
**Teil: (01) 8535102**  
**r-phost: [refundoffeescheme@mie.ie](mailto:refundoffeescheme@mie.ie)**

- Ní ghlacfar ach le hiarratais i leith cúrsaí/cuid de chúrsaí a críochnaíodh sa tréimhse **1 Meán Fómhair 2017 go dtí 31 Lúnasa 2018.**
- Is é an **29 Márta 2019** an spriocdháta chun iarratais a fháil. Admhófar gach aon iarratas a fhaightear. Nuair is faide ré an chúrsa ná bliain, ní mór iarratais a chur isteach i ndiaidh gach bliain a chríochnú go rathúil.
- Iarrfar freisin ar iarratasóirí fianaise dhoiciméadach a chur ar fáil ó sholáthróir an chúrsa (Údarás Creidiúnaithe nó Institiúid Tríú Leibhéal) ag deimhniú:
  - a) teideal oifigiúil an chúrsa
  - b) gur chríochnaigh an t-iarratasóir an cúrsa, nó bliain den chúrsa, go rathúil
  - c) torthaí scrúdaithe an iarratasóra

Tabhair do d'aire: Is leor cóip den tras-scríbhinn oifigiúil má shásaíonn sí na riachtanais thuasluaite

- Tá sé de fhreagracht ar gach aon iarratasóir a chinntiú go bhfuil an fhoirm iarratais comhlánaithe go hiomlán, go bhfuil sí sínithe agus go bhfuil an cháipéisíocht chuí go léir ina teannta.

## Coimeádann MIE agus an ROS an ceart acu féin doiciméadúchán bunaidh a éileamh ag aon am.

### • **NÍ DHÉANFAR IARRATAIS DHÉANACHA A MHEAS.**

#### **COISTE MONATÓIREACHTA**

- Déanann Coiste Monatóireachta, ar a bhfuil ionadaithe ó cheardchumainn na múinteoirí, ionadaithe ó bhainistíocht scoile agus ionadaithe ón Roinn Oideachais agus Scileanna, maoirsiú ar riarachán na scéime agus déanann sé moltaí faoi leithdháileadh íocaíochtaí ar iarratasóirí.
- Féadtar achomhairc in aghaidh moladh de chuid an choiste monatóireachta a dhéanamh chuig Coiste Achomharc faoi choimirce an Aire Oideachais agus Scileanna.

#### **COISTE ACHOMHAIRC**

- Breithneoidh coiste achomhairc, ar a bhfuil baill den Rannóg Oideachas Múinteoirí, ROS agus an Chigireacht, achomhairc ó iarratasóirí nár fhaomh an coiste monatóireachta a n-iarratais.
- **Ní mór** achomhairc faoi chinneadh an choiste mhonatóireachta a bheith faighte **laistigh de cheithre seachtaine oibre** ón dáta a eisíodh fógra faoin gcinneadh.
- Ní foras achomhairc iad iarratais a bheith diúltaithe de bharr iad a bheith déanach, neamhiomlán nó gan a bheith sínithe.
- Caithfear cóip den fhoirm iarratais chomhlánaithe a cheangal den litir achomhairc. Caithfidh an litir seo foras an achomhairc a chur in iúl go soiléir.
- Tá gach eolas agus gach doiciméad atá mar thaca le hachomharc faoi réir a bhforaithe.

#### **MÉIDEANNA ATÁ INÍOCTHA D'IARRATASÓIRÍ**

- Is tríd an Ríomhaistriú Airgid (EFT) a dhéanfar íocaíochtaí le hiarratasóirí a n-éireoidh leo. Cuir do shonraí bainc ar fáil ar leathanach 13 chun é seo a éascú, le do thoil. Cuirfidh MIE prótacail slándála sonraí i bhfeidhm maidir le húsáid na sonraí seo.
- Déantar iarratais ar mhaoiniú faoin *Scéim Aisíochta Táillí Múinteoirí* go siarghabhálach i leith cúrsa a rinneadh i rith na bliana acadúla roimhe sin.
- Le bheith incháilithe le haghaidh aisíocaíocht táillí, is riachtanach gur mó ná **€600** na táillí iomlána atá iníoctha ag an iarratasóir as an gcúrsa/cuid den chúrsa sa bhliain iarratais chuí. Is é uasmhéid na táille a dhéanfar aisíoc ina leith ná €5000. Ní chuirfear san áireamh ach táillí a bhaineann leis an mbliain acadúil ina bhfuil an t-iarratas á dhéanamh.
- Tá an maoiniú don scéim seo ag brath ar an mbuiséad a leithdháiltear don Roinn Oideachais agus Scileanna.
- Braitheann codán na dtáillí a aisíocfar faoin scéim ar líon na n-iarratasóirí cáilithe a bheidh ann in aon bhliain amháin ar bith. Leithdháiltear an maoiniú atá ar fáil ar bhonn pro-rata i dtreo is go bhfaigheann na hiarratasóirí go léir a n-éiríonn leo an sciar céanna dá gcuid táillí incháilithe.
- Sa chás go bhfuil iarratasóir ag fáil íocaíocht /fóirdheontas ar bith cheana féin in aghaidh chostais an chúrsa atá i gceist, laghdófar méid na dtáillí atá incháilithe i gcomhair íocaíochta de réir mhéid na híocaíochta nó na n-íocaíochtaí sin.
- Mura ndéantar gach aon fhóirdheontas / liúntas a nochtadh, measfar iarratas a bheith ar neamhní go hiomlán.
- Eiseofar íocaíocht a luaithe is a bheidh cinneadh déanta ag an gcoiste monatóireachta.

#### **FÓGRA DO MHÚINTEOIRÍ**

**Bheifí buíoch ach an imlitir seo a chur ar aire na foirne teagaisc uile, lena n-áirítear iad siúd atá ar saoire, ar iasacht nó ar shos gairme.**

## **ATHBHREITHNIÚ NA SCÉIME: FÓGRA COSAINT SONRAÍ**

Tá sé de rún ag an Roinn athbhreithniú iomlán a dhéanamh ar an *Scéim Aisíoctha Táillí Múinteoirí* sa bhliain atá amach romhainn. Ceapfaidh an Roinn saineolaí oideachais chun an t-athbhreithniú sin a chur i gcrích. Le linn an athbhreithnithe, is féidir gur mhaith leis an athbhreithneoir dul i gcomhairle le daoine a bhfuil taithí acu ar an scéim.

Iarrtar do thoiliú chun na sonraí pearsanta atá tugtha agat ar an bhfoirm iarratais a roinnt leis an athbhreithneoir a cheapann an Roinn, chun críche an athbhreithnithe seo amháin. Iarrtar do thoiliú freisin go bhféadfadh an t-athbhreithneoir teagmháil a dhéanamh leat chun fiosrúcháin leantacha a dhéanamh a bhaineann le do thaithí ar an scéim, agus é sin freisin chun críche an athbhreithnithe seo amháin.

**Ní bhaineann do chinneadh toiliú dá bhfuil thuas ar bhealach ar bith de do cháilitheacht chun páirt a ghlacadh sa scéim.**

Ar bhonn an athbhreithnithe thuas, is féidir go dtabharfaí isteach athruithe sula n-osclofar an scéim arís d'iarratasóirí (.i. sula n-iarrtar iarratais ar aisíocaíocht táillí i ndáil leis an gcéad bhliain acadúil eile).

*Jim Mulkerrins  
Príomhoifigeach  
Rannóg Oideachais Múinteoirí  
Eanáir 2019*